



Section hruaitu 30 thlang chhuak

Chanmari West, January 15 : Chanmari West Branch YMA OB meeting-in a lo rel tawh angin ni 12.1.2012 zan khan Section hrang pangah OB paruk theuh thlan chhuah a ni. Branch OB pangaten sectin hrang hrang inthlanpuiin president Pu T. Ngurkhuma'n inthlanna hmun hrang hrang a kan kual ve thung.

Chawngbawla :

Pu Lalchungnunga(L) inah financial secretary Pu K. Darthantluanga'n inthlanpuiin a, an tam lai berin member 34 an ni.

An thlan chhuahte :

Leader : Pu K.Lalthakima
 Asst.Leader : Pu Rosangpuia
 Secretary : Tv H.Lalrinmawia
 Asst.Secy : Pu R.Lalbiakhluna
 Tresurer : Pu JK Zosangliana
 Fin.Secretary : Pu Lalruatsanga

Khuangchera :

YMA Runah member 82 pung khawmin, kum kal taa chatuan ram pan ta, hruaitu hlui Pu K Lalengmawia hriatrengha leh ralna hun hmanin, a chhungten amah hriatrengha nen dekchi lian tha tak an pe a, vice president Pu R. Lalmachhuana'n inthlan a kaihruai.

Thlan chhuahte chu :

Leader : Pu Lalchhanhima
 Asst. Leader : Pu Lalrinliana
 Secretary : Pu Zonunsanga
 Asst. Secy : Tv Israela
 Treasurer : Pu Lalliansanga
 Fin. Secy : Pu Lalthlamuana

Neuva :

Secretary Pu RL Thanhnuna kaihruaiin Pasaltha Neuva Inah an inthlang. Member 71 an kalkhawm a, section chhunga member tlawmngai ber Tv EVL Hruaitluanga hnenah 'Neuva Award' hlan niin, 2011 commitee meeting kal kim lawmman sem a ni bawk.

Hruaitu atana thlan chhuahte :

Leader : Pu Lalchhandama
 Asst.Leader : Pu Lalthanruma
 Secretary : Tv R.Laltlankima
 Asst.Secy : Tv EVL Hruaitluanga
 Treasurer : NI Lalramengi
 Fin.Secretary : Pu Vanlalhluta

Taitesena

A. Biaklawma inah inthlangin, assistant secretary Tv Zairemmawia'n a kaihruai a, member 58 an kal khawm.

Hruaitu tura thlante :

Leader : Pu RK Rozidinga
 Asst.Leader : Pu C.Lalmuankima
 Secretary : Pu Lalbiakkima Sailo
 Asst.Secy : Tv Lalbiaksanga
 Treasurer : NI Lalthlamuanpuii
 Fin.Secretary : Pu R.Lalsangzuala


Vanapa :


Pu H. Lalrawna inah inthlangin member 87 an kal khawm a, inthlang zinga member kal tam ber an ni. Treasurer Pu C. Lalzarliana'n kaihruaiin section hrang hrang inelna 2011 Branch Sports-a a pumpuia pakhatna an nih bakah section tana inelna hrang hranga titha ber an nih an lawm nghal a, hnatlang kal tha leh committee meeting kal kim hnenah lawmman an hlan bawk.


Hruaitu atana thlante :

Leader : Pu VL Thakima
 Asst.Leader : Pu H. Vanlalvena
 Secretary : Tv Hmingthansanga
 Asst.Secy : Pu H. Lalremtluanga
 Treasurer : Pu T. Sangkhuma
 Fin.Secretary : Pu PC Lalawmawia


Branch News


 Ni 12.1.2012 zana Section O.B turte thlanna neih zawh taka member kal zawng zawngte chungah lawmthu sawi a ni.


 Section O.B atana thlanchhuah ten, Committee Member tur mi 25 aia tam lo ruatte, YMA AW Agent tur mi 1 leh YMA Chanchinbu Sub Agent tur mi 1 ruatte Ni 15.1.2012 ral hma in list fel tak Branch Secretary hnenah thehluh tur a ni e.


 Kan Branch Treasurer Pu C.Lalzarliana chu chhungkaw thilah Lunglei Zobawk-ah a zin a, dam taka a lo haw kan beisei.

KEIMAHNI

 YMA AW hi Taitesena Section Inah chhut rih thin tur a ni a, thuchhuah tur nei chuan zirtawp zan hma lamah thehluh mai tur a ni e.

 Lois Bet offset, Chanmari-ah print tir thin tawh tur a ni ang.

 Kumin chung atan YMA AW manah Rs 80/- tur a ni.

 Section YMA ten a la tur an rawn zawng dawn a, veng chung chhungkaw tin ten lak theuh i tum ang u.



TUNKAR CHANGVAWN

I naupanna tumahin ngainep suh se; thusawi kawngah te, rinna kawngah te, thianghlimna kawngah te ringtute tihhmuhtu ni zawk ang che.

I Timothea 4:12

Editorial Board

Editor

J.Lalnangliana
9862399658

Joint Editor :

Lalchhandama
9862358347

News Editor

Thangkhuma
9862303135

R. Lalringgheta
9862358337

Jacob Lalrinsanga
9612319779

Cir.Manager

Johny Lalthanpuia
9612359161

EVL. Hruaituanga
9862655426

Production

Manager
R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

Zairemmawia
9862385654

Treasurer

C.Lalzarliana
9436142049

Fin.Secretary

K.Darthantluanga
9436196071

Advisers

Pu Lalbiakthanga
Khangte

Pu Rothuama

Pi Zamanthangi

Pu Lalrenguia
Sailo

2012 Thuvawn

**Iawmdan tur chu
LALPA chungah
nghat la, amah
chu ring la a man
a ti vek ang.**

Editorial :

Kum alo thar leh ta a, kum dang ang bawkin mi tam tak chuan KUMTHAR THUTIAM an nei leh ngeiin a rinawm a, Mihring chu hmasawn zel tur kan nih avangin hma kan sawnna tur chuan tih tur hmachhawp eng engemaw duan lawk a ngai a, Kumthar Thutiam neih pawh hi hma kan sawnna kawng atan thil pawimawh tak a ni thei a ni.

Amaherawhchu Thu tiam hi thil awlsam ang reng tak ni mahse kan thutiam te tihlawhtling tur erawh chuan bawhzui ngai ve tho si a, tihlawhtlin huphurh sa rân chungah thutiam neih te hi thutiam tihlawhtlin lohna a nih bakah thutiama rinawm lohna a nih bakah keimahni leh keimahni kan intihniamna a ni thei a, chuvangin thutiam kan nei tawh a nih chuan tihlawhtlin ngei tuma kan thutiam te kan bawhzui a tul tih i hre thar ang u. Mimal a ni emaw, pawl a ni emaw, Politics thilaha a ni emaw Kumthar lai leh kumthar lai lo pawhin thutiam kan nei tawh a nih chuan kan thutiam chu kan tihlawhtlin theih ngei tura kan ngaih kan tiam tur a ni.

Chanmari West Branch YMA mamberte pawhin he kumtharah hian YMA hmalakna tur kawng hrang hrangah leh YMA thiltumte kan phak ang tawh tawkah tih hlawhtlin tum theuh turin intiam thar leh ila, thu mai nilo ataka hlawhtling ngei turin tan ila thar ang u. Keimahni ngei pawhin kan tihlawhtlin theih tura kan ngaih mang loh thutiam neih thlakzen ringawt hian nakinah keimahni ngei min la vaw lêt leh thei tih hria a, fimkhur taka thutiam kan neih hi a tul a ni.

Article :

Section YMA hruaitute tan

- (Member Phunchiar ho aiawhin - **Mangheta Ralte**)

Mahni in chung pawh luah lum hman mang lo khawpin, kum pui lingletin, khawtlang tan, in tha leh zung, in thiamna leh finna, theihna zawng zawng sengin, mawng vawm ba ang maiin in chet chhuah leh chu a ngai dawn ta sia le!!!! In va han chhuanawmin, in va han awhawm loh si tak em!! Mi hna hmu tharte chu chung leh khatte nen chawhluite kilhoin an hna hmuh an lawm thin a ni ngai a, nang erawh chuan lawmpuitu i hmu kher lo ang. Thlan tlin i nih rual rual khan, mawhphurhna sang tak pek i ni tih hriatthiampuitu che chuan an lawmpui kher lo che a nih pawhin mak ti suh. I mawhphurhna, i kova tla hi a rit em a ni. I nupui fanaute phei chu an lungawi vak lo hial mai thei a nia. Mahse....Khawtlang Hmangaihtu, Y.M.A.Hruaitu i ni miau va. I hmaa awm apiang i hmachhawn a ngai dawn ta a ni.

A ni reng lah taka, veng thler a zauin, YMA hmalakna pawh a lianin tihur a tam reng a. Mitthi lumen, Khawhar Ina kal, Thlanlah, Hnatlang, Committee..... a tam khawp mai. Chu a chhapah, mahni Kohhrana mi tangkai leh a pawimawh ber berte in la ni bawh si. I indaih lo viau dawn a nia. I insemzai thiamte pawh a ngai viau ang. *Khawtlang Hmangaihtu, Y.M.A. Hruaitu* i nih kha.

Hlawkna tel tur pakhatmah, (*sum leh pai zawng phei chuan*) awm bawh si lo. Hlawk chu sawi loh, mahni iptate atanga i phawrhte pawh ala tul ang. Mi dangte tan i inpek ralraih te pawh ala ngai dawn. *Khawtlang Hmangaihtu, Y.M.A. Hruaitu* te tihur a ni fo si. Chung lama mi khian i thiltih kha a hriatpui che a nia.

“*Chuti chu, khaw nge*” tiin tan han la sa teh mahla, i hlawh tur chu a ngai reng tho. YMA thiltih nikhuua i hmel kan hmuh loh a piangin keini member Phunchiara te ho hian kan rel leh hrep thin ang che nga. I lo kal pawhin engvakahmah kan la ngai chuang lo zui. “*Hruaitu a ni a, a tihur reng alawm*” tih bak chu Chawimawina NOPUI hlan tur che kan la nei miau lo leh nghal.

Khawtlang thatna tur leh hmasawna a nih chuan tiin zan khaw tairek thlenga i thawh leh i vahchhuah pawh a la tul dawn chauh. Keini member Phunchiara te'n inthiam lohna nei miau lova, zanlai au thawm leh **Dar Ri Mawi**

Lo kan muthilh hnan leh mai theih lai hian nang chu, “*Chanmari West Veng mipuite hriat tur...*” tih rual rualin i mu zui thei tawh miau lo vang. *Hruaitu i ni miau va*. I awmna section huam chungah a nih ngat phei chuan Eizawna tlansan thak khawpa i buai pawh a ngai dawn. Office emaw eizawna lama i thawhpuite mitmeng kawi te pawh i hmu hial mai thei a. Chuvangin. i tuangte pawh han ti chhah deuh la. *Hruaitu i nih kha....*

I tihur, i kova tla ni chiah si lo, i tih ve ngai ziah si, ka huphurhpui em em mai che chu, mi in chung buaina, mi nufa leh pafa, unau kara inhmuhthiam lohna thlenga ban phar tura an rawn ko leh tur che hi a ni. Mahni in chung ro pawh rel fel hleih theih loh changte pawh a awm ve lai kara mi fate sual zilh lo ngai leh fo bawh nen. Hei... ha..... Theih tawpa Khawtlang tana sual dova, mi fate awm tha duh lo thu tha i hrilh, i rawn haw lam kha kawngsir atangin keini member Phunchiara te ho hian, i hnung lamah kan nuih zui che tih leh zel hi chu ka hrilh tawh lo mai ang che. I rilrute pawh a na lutuk palh ang. “*A fapa/fanu pawh....chuti...khati....*” tiin i chanchin chhelai ber ngaihtuah chhuah phet tumin kan rilru kan lo la seng ve leh ta nghal a. Aw...i dinhmun hi a khirh a ni. Khawtlang Hmangaihtu, Y.M.A. Hruaitu i ni miau sia le.

A tawp berah chuan, keini member Phunchiara te ho thusawi leh kan lo teh vena che hi engah mah ngai duh suh, tih hi kan hrilhru teh ang che. A ruk tak chuan, keini member thatchhe ber berte pawh hian kan ngaisang chein kan zah ru ngawih ngawih che asin. Kan dah san lutuk vang zawk chein kan phut sang che a, kan beiseina che hi a sang ve leh zel zawk a ni. I lakah kan pangchang em mai a, i tel lova, YMA hmalakna a kal tur hi kan ngai ngam lo zawk mai a ni. Theih tawp chhuah la, kal zel rawh. *Khawtlang Hmangaihtu, YMA Hruaitu* i nih kha. Tin, ka member pui te u, kan mi duh zawng Hruaitu kan thlang chhuak ta bawh a, an hnungzui turin i inpe ang u. Mi fel leh dik ber berte an ni kher lo vang. Mihring ve tho an nia, tihsual chang nei thei, chauh chang leh theih loh chang nei ve thei an ni tih hriain, an dik lohna laia sawisel mai lova, thurawn pe tu nih i tum theuh ang u. YMA VUL RENG RAWH SE.

<http://ymaaw.blogspot.com>

Email: cwbymaaw@gmail.com

CHAWNGBAWLA

✎ Kum 2012-a Chawngbawla Section Office Bearer thlanna chu Ni 12/1/2012 zan khan Pu Lalchungnunga (L) in ah tuang takin an nei a, Inthlanna atana phal taka In hmantirtu te chhungkaw chung ah lawmthu an sawi.

✎ Vawiin tlai dar 3 hian Pu K. Lalthakima te in ah Hruaitu ten charge inhlan tur a ni.

✎ Inthlang tura member thawk chhuak zawng zawng te chungah lawmthu an sawi a, Section dang hruaitu thlan tharte lawmpuina leh duhsakna an hlan.

NEUVA

✎ Ni 12/12/2012-a section inthlanna a member 71 chuang an kal thei chu an lawm hle.

✎ Vawiin chawhma inkhwmban hian Pu Lalthanruma In ah OB te charge inhlan tur a ni.

✎ Pu Johny Lalsangliana tuna Presbyterian Hospital Durtlang-a awm mek chu dam taka arawn chhuah leh thuai an beisei.

KHUANGCHERA

✎ Ni 12.01.12 khan YMA Run ah kum 2012 hruaitu thlanna neih a ni a, member 80 chuang lai an kal khawm thei chu lawmawm an ti hle.

✎ Pi Zohmingthangi te chhungin an pa Pu K.Lalengmawia hriatrengnan Dekchi lian Section tan an pe a an chungah an lawm hle.

✎ Dt 13.01.2012 tlai khan Leader thar Pu Lalchhanhima te inah OB meeting neih a ni a, Committee member 25 leh YMAAW Agent mi 1 leh YMA Chanchinbu Sub Agent mi pakhat ruat an ni. Heng an mi ruat te hi Branch ah approval dil mek a ni.

VANAPA

✎ Ni 12.01.2012 khan Upa H. Lalrawna inah 2012 a Section OB turte R.O Pu C.Lalzarliana, P.O Pu H.Biakchhunga leh Pu Lalhmingliana te kaihhruiin neih ani a, In neitu Upa H.Lalrawna te chhungkua, Ei in buatsaihna Pu Vena te Fatu te leh member inthlanna a kal zawng zawng te chungah Section in lawmthu a sawi.

✎ An Member R.Malsawmkima s/o R.Zonunsanga'n kawppui thar tha tak mai a nei thar.

TAITSENA

✎ Ni 12.1.2012 (Ninga)zan khan Pu A. Biaklawma te inah section hruaitu thlan a ni a, inthlannaah hian member 60 bawr vel an kal a ni.

✎ Inthlan zan hian thlan thar ten RO telpuiin kum 2012 chhung atana committee member tur mi 25 an ruat nghal.

✎ Vawiin chawhnu inkhawm banah hian kumhlui hruaitu leh kum thar hruaitu tur ten Leader thar te inah charge inhlan tur a ni.

ZCC NEWS

✎ Ni 17/1/2012 (Thawhlehi) zan dar 7 hian Indoor Stadium TT Hall ah kum 2012 hruaitu thlanna neihtur a ni a, member zawng zawngte kal vek turin an in hriattir.

✎ An hruaitu Ni K. Lalthanpuii (Kuri) Missionary-a kultur chu an ui viau rualin an lwampui hle a. Tuang taka rawng a bawl theih nan duhsakna an hlan.

✎ Vawiin chawhma inkhwm ban hian Club hruaitu te Ni K. Lalthanpuii thlanna neihtur a ni a, Chhun dar 12:00 ah Kawng kawipui ah in nghahkhawm tur a ni. hruaitu ten thla lakho nghal tur a ni a, ngaipawimawh theuh turin an in ngen.

CVTTP NEWS

✎ Dt 13/1/2012 (Zirtawp) zan khan Executive Committee neih a ni a, thu pawimawh tak tak an rel

✎ Dt 14/1/2012 (Inrinni) atang khan Library hawntan leh a ni a, Library hawn hun hi zing Dar 9:30 atanga tlai dar 2:30 thleng a ni. hemi hunchhung hian member in register theih a ni a, Registration Fee ` 20 pein Lehkhabu hawh theih a ni.

✎ Lehkhabu thar Bu 160 an nei a, Zirtawp zan committee ban a Pu T. Ngurkhuma (CVTTP Patron) leh Pu Lallianzuala (Senior Adviser) ten member-te hawhchhuah theih turin an tlangzarh.

✎ Veng mipuite Library tlawh a Lehkhabu chhiar thin turin an sawm.

✎ Kum lama upa tawh (abik takin kum 60 chin chung lam) te Library hi chawlh hahdam nan hmang thin turin an sawm.

✎ Kumin chhunga Library nghaktu tur (Library Assistant) atan Pi PC Vanlalruati T- Sect chu lak a ni.

Kan Committee leh ringawt zel - T-a

Tawng bul lam atanga en chuan Committee tih hi eng emaw ngaihtuah tur emaw rorel tura intelkhawm sawina niin a hriat. Committee-ah hian a tlangpuiin member tam tak an awm ngai meuh lo va, thuneih nei, rorel tlang tura intelkhawmna hi committee an ti tlangpui. Za rual inhmukkhawmna emaw aia tam emaw intawhkhawmna a nih chuan assembly emaw conference emaw tih a ni thin.

Mizote chuan rorel tura intelkhawmna hmang kan hmang ve tho va, chumi piahah awmze dang la nei telin rorel tura committee an inhmukkhawmin committee tiin kan sawi leh zel. Hnam dang chuan committee an inhmukkhawm chuan meeting tiin an sawi a, 'kan commitee' kan tih fo hi anni chuan 'meeting' an ti.

'Commitee kal kim', 'branch committee vawi 12-na', 'section kum tir commitee' titein kan sawi thin a, kan hrethiam em em. Kan kalpui dan en hi chuan hnam dangte nen kan hman dan a inang lo va, Mizo tawnga commitee hian a huam zauvin awmzia a nei ril a, a thuk bik hle niin a hriat.

Kan hman danah chuan commitee kan tih hi rorel tur pawlho sawina a ni a, pawlho thukhawm sawina a ni nghal baw. Sap leh hnam dangte chuan committee an din a, chu committee chu thil ngaihtuah turin an thukhawm (meeting) thin. Commitee kal kim an tih chuan meeting an neihnaah committee member zawng zawng an kim tihna a ni a, keini chuan hun bik chhunga meeting zawng zawnga tel vek sawi nan kan hmang.

Branch committee vawi 12-na kan tih hi hnam dang tan chuan a awmzia hriat a har deuh mai thei. Branch din a nih atangin kum tin emaw, hun bithliahah committee thar zel dinin commitee an din thar vawi 12-na tihna a nih hmel hle. Mahse, keini chuan committee din thar zel lam ni lovin, committee pakhatin thut khawm a neih vawi 12-na angin kan hmang.

Section kum tir committee kan tih hi anni chuan kum tir atan chauha din committee sawina emaw an ti ang. Eng pawh ni se, tuna commitee kan hman dan hi Mizoram puma kan hman dan a ni miau a, a hmangtu Mizoten a awmzia kan hriatthiam tlan chuan a pawina em em a awm lo va, hnam dang hman anga tih dik leh tum chu thil harsa a ni tawh zawk mai thei.

Chutih lain hnam pumin thil awmzia kan chik loh avanga a nihna bak thlenga committee tih hi hmang ta kan nih ngei a rinawm. Kan tawng a ni lo va, hnam dang tih dan entawna kan lak a ni a, he tawng kan lak chhawnnate aiin kan hmang tangkai ta a ni deuh ber.

YMA AW hi vengchhung chanchin thar hriatna hnar pawimawh tak a ni.

🦅 Ni 27-28 Jan 2012 hian 15th Mizoram State Arm Wrestling 2012 (Junior Leh Senior Men & Women) neih a ni dawn a, vengchhung mi a duh a piang tan training neih theih a ni a, Pu Lalrivunga (CH) hnenah training hi ni 16.1.2012 tlai dar 4:00 a tangin tan tur a ni.

🦅 Ni 18.01.2012 atang hian Republic Day Celebration Inter Village Volleyball Tournament a awm dawn a. Veng chhung Players zawng zawng Indoor Stadium -ah practice turin tlai dar 4:00 ah kim vek tur a ni.

🦅 Football 2nd Window hawn mek a ni a. Players thar tha zawn mek a ni.

MPF NEWS

🦅 Dt. 06.01.2012 zan khan Chanmari West MPF Local Forum 2012-2013 hruaitu thlan a ni a. NGO hrang hrang OB YMA, MUP, MHIP leh Kohhran hrang hrang aiawh ten an thlang:

President : Rev. B. Ropianga
 Sr. Vice Pre. : Upa PC. Lalnunthara
 Vice Pre. : Pu Lalthuamluaia
 Secretary : Pu R. Lalmachhuana
 Jt. Secretary : Pu C. Lalzarliana
 Treasurer : Pi Lalrintluangi (RTS)
 Fin. Secy. : Pi C. Zopari

ROYAL ENGLISH ACADEMY (Comprehensive)

Chanmari, Chaltlang Road.
 Class - V to Class - X
 Day leh Hostel
 admission a tih theih e.
 HSLC Result hnuhnung ber
 ah 100% pass a ni.

Contact :-
 9862375083/9612297127.
 (6-4)

SPRINGDALE SCHOOL

ADMISSION NOTICE, 2012
 Admission Opened for
 2012 Session

NURSERY - CLASS : X

Nursery Class bik-ah
 Admission ti hmasa Seat 40
 chauh FREE a tihsak an ni
 ang.

Contact No :-
 2346306/9862812084
 9862336196

(6-3)

**ADMISSION NOTICE**

Admission opens for Classes IX & X (Dayscholars & Hostellers) for the Academic session 2012 at **Faith Academy, Zonuum.**

Digital Teaching System (Computer and Projector) will be introduced from this session.

Contact: 9436350438 (Principal)
 9862358337 (Mangheta)

(2-1)

NEW HORIZON

SCHOOL OF EDUCATION
 Day & Residential School
Admission Opened

for 2012 Session

Class I - XII (Arts)

Special Features :

- * *International Standard Digital Learning Technology hmanga zirtirna school*
- * **Offers Spoken English & Hindi**
- * **English Accent Training Class**
- * **Co-scholastic activities tangkai ngah ber School**
- * **Kumtlin Board Exam Result tha kan nei thin**

Class hniam ber Class - I tan Free

Admission + free frock/trouser

Contact : (0389) 2346362
 (9-7) 9436141868 / 9612228372